

中國方志叢書·華南地方·第二七五號

據

清·吳宗周修，歐陽曙纂
清光緒二十五年刊本

影印

貴州省

湄潭縣志

(一)

成文出版社有限公司印行

補修眉潭縣志敘

夫志猶史也雖鉅細畢登要必有所
重史作於上莫重於別賢奸故有褒有
貶志修於下莫重於揚忠節故有褒有
貶凡以為激勵愚蒙轉移風化計也不
文則陋不簡則繁不公則私不備則漏

此何如艱鉅猥云補修哉且夫府守土
責安事在得國未可妄興事在萬行
又豈害久廢答邑志經楊前縣石臣
修後廢墜其且二百年嘉道而上遠
莫可稽至咸同之際叔應任年諸男猶
克完大節而有待表彰其曷可勝道

恍若悠悠歲月能勿與石火電光同爨
乎乃疊議補修終嫌不就孰主宰
是而顧若此周竊慨之亟思力持生院
又甚慮非得宿學真司其事非為和
衷莫勦其事非堅忍耐久莫成之
躊躇懷來公屢乞道覺神等以是為

請以舉見任鎮遠府學歐陽廣文秉
其筆謂是曾著記事微言以書愛
有心於斯世聘之當必來至採訪籌
款為要件唯命指使不敢辭周既幸
此闕之大有人也又幸此君之相與戰
力而實援我心也爰為刻石闕角六闕

月遂藏事嗟乎天下事往之廢打用
稍而興於振作有志共事竟成諸君子
殆所謂確乎不拔其守而愚蒙之激勸
風化之轉移者於斯志是賴又况
國家昇平日久尤堪備他年 輯軒
採之需其美有不可殫述其母樂

為之序時

光緒二十五年己亥夏六月中韓

知涓潭知事古滇吳宗周序

於通槐軒



補修湄潭縣志序

天下事謀之自人成之自天不可強也而
況歷年二百始一舉行如湄潭之補修縣
志哉夫志猶史鉅細悉備要莫切於微顯
闡幽雖在匹夫匹婦苟能身樹忠節亦可
名列簡編蓋以表既往即以勵將來也湄
志自楊公石臣修復至今竊如其遠不可

稽者固付諸無可如何之數至咸同近事
為耳目所能及而六聽其泯焉漸滅下與
草木同腐忠魂烈魄能無怨乎是湄志之
宜修不自今日始也曩者光緒丙戌 孔
公詠濤來宰湄 曙同李君廷瑛暨五六同
志以修志請業蒙允准突以他務梗遂不
果嗣是癸巳知湄事者為 王公采臣於

稟撤烟稱釐清公租之餘亟思續修縣志
聘得王君榮槐來未逾月王物故又不果
迄於戊戌尹茲土者 紹伯吳公也藹藹
然有儒者氣象所聘掌院為安君盤金兼
以修志事寄之行將開局安又物故仍不
果 吳公因是慨然曰是果有天耶抑何
屢興而屢躓也雖然斯固守土事我當力

肩之庶可以人勝天而結此二百年未結之局乎爰籌款遴紳布置一切旋以纂修之任來相責謂曙曾有是志而不答老將至而學漸荒也聞名之下且愧且感雖在鎮服官未遑兼顧而桑梓鉅舉命何敢方因是束裝就局亦聊以畢生平未遂之願而又兢兢焉惟不克勝任之是懼所有條

目序例悉遵貴州通志作依樣之胡盧至
揚忠表節一秉至公敢詡筆自我搯乎嗟
乎往事已矣後事孰期昔請修而不獲今
欲辭而未遑相判遂若霄壤信乎天人之
際有不可得而强者獨修志一端而已哉
國朝幅員萬里漸被無疆曾於康熙二十四
年

詔天下各省修府州縣志以備一統志採擇自
時厥後

聖聖相承

重光久道用是略序原委預儲他年輜軒下採
之用云
旨在

光緒己亥仲夏月二十一日邑人歐陽曙
謹序於湄志總局之大公無我軒

原叙

人地之盛都人士艷稱吳越夫吳越信盛矣然遠
稽史冊夫非周之荒服歟何以多厯年所炳炳焉
烺烺焉推近今之名區也哉蓋天地菁華之氣蓄
之久者其發必盛所以山川所鍾奇秀輩出兼有
良吏為之振作於其間如文翁之於蜀常袞之於
閩是也黔通中國自莊蹻開道始峰明水駛丹砂
醴泉出焉其蓄愈久其發宜愈盛乃建省二百餘
季而人物尚有遜於中土者以屢丁兵燹故不能

無待耳縣治涇潭舊為播境後隸平越其山川土
田風俗人物黔乘載其大略邇緣變亂率皆殘缺
縣令楊石臣獨為詳其風土悉其原委彙為縣誌
而求叙於余余觀黔地遐荒官於斯者易生厭薄
且多稱他省之盛以佞邊徼今石臣乃竭心殫慮
溯往事而誌時艱則其加意於疆土人民為何如
也余校士黔南竟未親歷涇土今覽誌如列掌上
且閱石臣之教約條議與其題咏則痼瘼是切足
覘其盡心之一斑矣昔從龍之牧麻哈也聘鄰

諸生教訓州人遂成文物之鄉迄今傳為盛事然則吏茲土者宜留意綏戢俾夜郎邊陲與中土並盛是即石臣為誌之心也夫亦即余叙誌之心也夫

皆

康熙二十六年丁卯孟春穀旦

賜進士出身奉政大夫提督貴州通省學政按察使司

僉事前刑部郎中北海畢忠吉撰

